

四庫全書

史部

欽定四庫全書

史部

欽定八旬萬壽盛典卷

七十九之  
八十一

詳校官兵部主事臣雷純

欽定四庫全書

八旬萬壽盛典卷七十九

圖繪

三

圖說一

臣等謹案圖以

京師宮闕為主就臣民北面仰瞻摹繪而成故始自  
西華門以達於

圓明園記以

聖駕進宮為主隨鹵簿之次第先後而作故始自

圓明園以達於

西華門云

自

圓明園至西直門圖說

圓明園宮門外東西為音樂亭各一扁曰宣豫曰導  
和

宮門直南為重簷樓五楹曲檻迴廊平臺傑閣清流  
洄環嘉木蓊蔚重門洞啓氣象萬千迤西為迎壽

山上建壽星亭其後為閣扁曰錫羨延洪朕曰暘  
雨協豐占徵念九疇之八京垓增泰笑呼聞萬歲

者三

按以下各聯扁登載圖內者俱不贅叙其  
有圖內未能登載者謹於圖說內敘述

御道北面為王貝勒貝子公等慶祝處自此折而南  
左為西洋樓一平臺二宗室覺羅官員於此慶祝  
右為奉天吉林黑龍江官員慶祝處稍折而東袤  
斜數百步兩水夾鏡雲影波光一望渺瀰西設龍  
舟九首尾舳艫旂旗五色篙師櫂郎鼓柁容與東

為金山景上建江山寺扁曰江天一覽又有觀音閣御書樓龍王廟韓公祠裴公洞諸勝又為亭三曰朝陽洞玩古亭望江樓為塔一俱仿江南位置飛甍畫棟結構宕蕘如中泠挂帆仰瞻樓觀時也其東為內閣順天府翰林院詹事府各官員分列慶祝沿堤綠陰中綴以亭臺廊宇葑欄花架直抵紅橋

紅橋之北面為山一形如曲尺翼以朱欄西旁巖

洞為門取逕而登上有亭二扁曰瀛壺曰西嶠亭  
上演萬國來朝劇山之麓為安南國王阮光平及  
其陪臣並朝鮮南掌緬甸各國使臣金川臺灣山  
番以至蒙古回部各汗王台吉等均鞠膾道旁瞻  
就

天日又順天府屬耆民及各省在京耆老亦於此慶祝  
橋南北各有綵坊左右各有跨水亭過此又折而  
南矣東西各設樂亭右為城闕者一扁曰函闕瑞

霽稍前為山子一左演劇重簷臺旁置小軒編籬  
落仿西洋式為牆垣南過綵坊迤西依石牆為亭  
直隸省官員及順天學政率衿士慶祝亭臺迤邐  
岩洞嶽崎鳩筇竹馬夾道駢羅自此直至清楚寺  
殆應接不暇云

清楚寺北面為亭一扁曰延禧集慶聯曰花雨能  
仁祝嵩齡億載曇枝普茂華海甸三乘南為山子  
一上建方亭蓮花亭為山洞一道東為綵坊一吏



部戶部官員於此慶祝兩岸茨椽鱗次櫛比間以清歌雜伎稍折而東為重簷演劇臺南為浙江福建省官員北為禮部兵部刑部官員慶祝處亭臺之外一川如練密樹千章迤東為百子圖山中有洞門羣兒俱雙了倭髻手持八寶及旗繖鏡鼓等物或騎竹馬或控雲蚪周旋嬉戲出入盤辟後則峯嵐排列繚以白石欄植以青松枝遠望直如壺嶠過此即永新莊矣

莊之東方亭一座工部官員於此慶祝亭後就土  
為山饒有位置其上綠陰似幄雜英奇蕊獻麗敷  
榮依山有演劇臺又有重檐六方亭南面枳籬低  
亞綴以花陰絡以藤蔓過湖北省官員慶祝處則  
粉牆一曲繪石壁天池之勝四壁煙雲淋漓真宰  
其北紺殿飛甍屹然遙對者則雙闕帝廟也

廟前直南大路左右方亭二旂竿二綵牌坊一座  
迤東文石修筠繚繞坡陀西洋式房五楹重廊疊

檻素壁堊丹隱起花竹魚鳥之狀庭階翼以朱欄  
分置盆盎青蘂白蓮羅列左右中為臺演八仙上  
壽西為湖南河南兩省官員慶祝處又西洋式牌  
坊一座東為都察院六科理藩院倉場侍郎侍衛  
處鑾儀衛通政使司大理寺步軍統領衙門內務  
府三旗三院圓明園三山各衙門官員西為山西  
山東陝西甘肅四川廣東廣西雲南貴州各省官  
員慶祝處梭亭一座旁臨小池漁舟三兩演漾其

中牽疊板網絕似漁樂圖中景物跨水為樓五楹  
可以遠眺水田禾稼一望如雲又東為三星牌坊  
花架葯欄夾道對出樓臺亭閣掩映曲折過三券  
牌坊則茶寮卷幔草舍編籬西南為慶壽山多植  
長松一亭如笠覆以喬陰南為硯樓凡八硯房三  
楹俱依土山為基過演劇臺為演武廳墩臺亭堠  
屹然相向東為十錦牆長數十武刻畫點綴各盡  
其致又為山子一座上多作流雲瀾漫林樾山頂

立南極老人八仙環侍仰而望之如天半仙人驂  
鸞跨鳳而來山下過綵牌坊紅牆屈曲為

萬壽閣其東演劇臺俱以翠羽疊為瓴甃上有獨立孔  
雀作和鳴狀又為垂雲牌坊旁列花架乃太常寺  
官員慶祝處直北石欄一帶欄外方池如昇玉螭  
連蜷橋上為

聖壽盛會前列獅象導以旌麾昇一綵亭中設部樂鑪  
煙香裊韻繞仙韶東為控鶴仙人西為蟠桃進獻

拔地聳起望若雲表曼衍百戲臚置前後觀者如  
堵人海騰歡過此又折而東矣

經西洋式牌坊北為百祥菴寺門旁舍分植竹籬  
中為綵牌坊南有花臺時以奇葩瑤草其後壘石  
為牆植援成幙迤東為小山小橋流水上有數童  
子作獻花狀過方勝亭又為西洋券洞牌樓左為  
梅花亭右為竹亭三省織造各關監督於此慶祝  
前為桃亭丹竇翠陰紛敷如繪廊宇重簷流雲四

繞重樓二座形若龍脊又東過河樓三楹為太僕  
寺官員慶祝處三元亭一座列如鼎足屋瓦皆作  
魚鱗形六方亭一內設太平有象對峙西洋房上  
建平臺自此為光祿寺鴻臚寺國子監內務府八  
旗圓明園三旗官員沿途慶祝過綵牌坊始至壽  
福禪林

壽福禪林之前路直東南為綵牌坊一西洋房一  
帶健銳營官員於此慶祝右為十字亭欽天監太

醫院及鑲白旗滿洲蒙古漢軍官員慶祝處直東  
為山子一適當駱駝灣折而南又牌坊一座過火  
器營正黃旗慶祝處為演劇臺右則百老迎壽山  
層樓疊閣與林巒高下丹顏白髮迴翔容與其東  
則正紅旗鑲白旗正藍旗鑲紅旗各官員慶祝處  
北面土山迤邐南則倣回子城式甃築礮樓又為  
堡房一所左為耕織房秧稻計畝絡絲當牕農夫  
驅犁而耘織婦秉杼而績海宇盈寧光景粲然具



陳自此平臺小軒皆設部伎綵坊二座並峙中遠  
則慈獻壽安兩寺翼如在望矣

寺西土山數仞松栢森鬱其南鑲藍旗官員慶祝  
處則廊宇鱗比高下錯落北為百壽同慶山紅稠  
綠艷間以亭臺倚牆為方亭一上歌八方樂業之  
曲絲竹並奏又東南坊對峙為廣通寺又東為天  
仙廟祇林梵釋恭設

無量聖壽壇場潮音讚佛歡動人天自此復折而南左

為桃亭內演三星獻瑞劇過綠坊一座為倚虹堂  
聖駕進宮於此傳膳時則

輦下臣民襟袂相屬黃童白叟夾道如雲仰瞻

天表普慶

壽祺咸稱萬古未有之盛莫不忭舞踴躍爭效嵩呼也  
倚虹堂南倚高梁橋兩岸淺水粼粼東為水亭廊  
廡銜接如浮梁跨水水上小艇打槳往來西望長  
河一帶亭閣參差煙波渺瀰迤南則郊廛列肆萬

瓦如櫛右為蓮花臺演四方來賀劇扁曰聲教綏  
來聯曰集山海梯航東鯨西鷁萬國圖歸王會感  
風雲律呂南兜北昧九重樂奏鈞天直南一山聳  
起樓閣俱因山布置池沼欄楯宛然如畫又折而  
東直抵西直門過綵牌坊即護城河橋城樓之下  
面東為三重臺演普天同慶劇第一層扁曰南山  
賡雅第二層扁曰蹈德詠仁聯曰春臺煦育歌綏  
萬化日舒長紀大千第三層扁曰磬舞九成聯曰

八月際昌期玉琯金鐘譜成一十三徽律呂億年  
開景福丹絨翠籙歌徵萬八千歲春秋臺左右各  
有遊廊以次迭降望如削成轉而逕南過綵牌坊  
北面倚堦築屋窻闥洞開燈綵鮮耀果樹華滋月  
城內恭設

萬壽經棚喇嘛千衆於此誦經慶祝此自

圓明園至西直門圖繪之大槩也

八旬萬壽盛典卷七十九

欽定四庫全書

八旬萬壽盛典卷八十

圖繪

四

圖說二

自西直門至

西華門圖說

進西直門路右重簷演劇綵臺左為迎

駕官員集所中設香案後列金書百壽字屏風重廊疊  
檻間架曲折文石踈筠幽花秀木夾侍康衢稍前

為立象上植藩竿五色陸離迎風耀日竿頂作海  
屋狀乘雲擁護八仙翔步其中蕊珠牌坊一南有  
竹逕依坡陀列屋三楹錦苔鈿砌羅植嘉蔭鶴童  
鹿女自在遊舞仙春瑞景彷彿見茲又南為鼇山  
十六座對面疊落遊廊燈綵高下綠陰如幄過圓  
亭為白石平臺一上作女仙衣霞帔冠戴勝二女  
侍捧蟠桃導於前二人執雉尾扇擁後皆竦容鞠  
脰仰瞻雲表上有跨青鸞泝雲而下者如西王母

狀迤東為崇壽寺山門之左作寶樹然燈象上設  
三寶法相幡蓋琴麁纓絡流蘇四面皆簷蔔林綴  
以蓮燈香海光明千花四照一尊者作禮和南衆  
僧合十讚佛後有白馬馱經象極莊嚴洵為人天  
勝景南面為龍燈棚雲生簷際龍垂牖間往來起  
伏競相耀映自此飛甍瑋麗傑構參差演劇而外  
百戲駢羅或作天女獻花或作嬰兒戲綵壤韶轅  
護魚頡鳥旂夾道歡呼觀者如堵云

堯天光被牌坊在道之南其北為流水橋亭負山  
植援山作兩峯環合狀兩峯之間隱隱起有樓堞  
旁峙窳堵坡稍東徑演劇臺粉牆一帶扶以朱欄  
碧甃玉李芬郁異色隔花則秋千冒索曳鼓揄裾  
瓊樓瑤臺兩兩相對前則為山一座洞壑空嵌青  
杉綠楊漁樵問荅擔月林間吟風犢背太平村樂  
景也又北有月臺高出重檐下為平臺穉榆漫地  
上作仙官獻福八童子各持七寶供奉象前為重



樓數楹蟬聯映帶極東為三層臺清泉白石葩蓋  
柯雲猿鶴同遊作銜枝獻果之狀北則武厓九曲  
遊女歌採茶之歌花架竹籬亭臺間出過方勝亭  
及西洋房左為百福法相右為太平有象徑西洋  
平臺則重樓複宇丹鳳朝陽傑出雲表其北即三  
界勝景牌坊然後過橫橋云

橋之左為西洋水閣迤東花臺一座上有十二天  
女獻花面如意廳迴廊曲圍旋轉如折又東為恒

春園千葩萬蕊紅紫紛披仙翱翔集有數童子手  
執紈扇上下盤辟其北三層方閣迤東有書樓芸  
籤縹帙充塞棟宇琳宮仙館遙相對峙參差於林  
巒洞壑間北面紅欄一曲畫地為水淪漣渺瀰內  
設青蒼赤三龍舟旗幟篙楫各以其色後有白石  
橋一座圓亭如笠鴈齒層層橋兩旁各立綵牌坊  
密林如翳林表峯岫隱隱如碧玉簪自此折而南  
為五鳳臺臺之前為采蓮景松橈桂檝搖漾中流

碧簫丹韻鈿影波紋過楊柳之渚曳木蘭之舟則  
有漁父持竿曬網青蒨綠蓑隨風上下對面有亭  
作方麪形亭外朱欄數十步豁然平敞碧樹周阿  
仙輿戲舞二童子捧桃枝執靈壽杖擁老翁而跨  
驢者是葛稚川移居圖中景也

萬卷書樓在大道之左結構崇麗粉堞嵯峨西則  
重房曲榻雲璈徐奏仙樂鏘鳴帝甃為碧玉池中  
植菰苴萬柄過演劇綵臺為靈芝亭正與松徑相

對由松徑直上為觀音山小橋流水屈曲以達巔  
頂山下作迎神賽會香燈簫鼓之狀迤南則蟹舍  
漁莊煙波一碧水源盡處突出高峯祥雲瀰滿中  
有仙人驂鸞而立右為玉女渡河之景雲階月地  
輝映康衢稍南為函關作城闔狀有老人乘青牛  
車而行三面亭臺均極壯瑋過演劇重臺照壁數  
仞左為萬寶秋成倉廩櫛比輸載如雲篝車叩軋  
一帶竹籬坻塲平曠盍揄簞揉童叟爭趨是海寓

豐登氣象前有百壽廳為兩淮商民迎

鑒慶祝之所右為漢使乘槎仙源一曲隱見支機徑五  
頂亭三層平臺及西洋房迴廊十二楹為桂花廳  
金粟霏香月輪方滿見驂鸞三數人翔舞於康莊  
者則中達北拱

關帝廟之仙門也

山門南為菊花牌坊酈泉分導近對南山下有十  
數仙子手執壽字方勝朝拱

鑾輿又南為鳳凰亭其西則翠屏一曲峯巒頂三素  
雲開列植桃枝上綴蟠桃千實光彩映曜迤南一  
亭形似花籃中設祥芝仙卉其東則碧海仙橋松  
藤纏絡流丹刻翠隱見喬林左右亭臺或為卍字  
或為如意或為三元獻瑞或為雙鳳朝陽直抵大  
市街之四牌樓其東西面二牌樓後俱列嵐嶂如  
羅浮兩峯似離若合長松偃蓋修篁便娟桃李滿  
山塔宇宏麗下為百老人各衣綵衣龐眉華髮扶

杖來觀同聲歡頌自此折而東以達

西安門云

過四牌樓同行道左為百花臺右為五雲樓樓前  
為西洋線法山雲牕霧閣深入數重如海上三山  
可望而不可即下設西洋水法亭三座拔地雲根  
一柱四圍繞立舞鶴雲起漸高輪囷磅礴排擁銀  
臺鶴珠噴泉上注牕閤灌頂湧出百道飛注如泰  
山之雷穿欄入牖又如漢殿仙人金莖承露巧製

奇觀一時獨勝北面為百壽字照牆舞雲戲綵瑶  
臺仙館遷迤分布笙簧鼓吹韶馥齊鳴前設五輅  
立象

天仗方排

禁門洞啓曦暉翕赭瑞靄翻自西直門直此市廛櫛  
比煙井雲連纓笏匝序元韶巷歌農商婦孺咸俾  
來觀瞻

帝京之勝景熙



壽宇之昌期

茂對時育盡入藻繪中矣

西安門內兩旁六方亭廡舍鱗次樓榭叅錯過西洋  
塔為綵牌坊二重嵐疊嶂之狀映帶左右又有菜  
園花園葯欄茨舍直東為孔雀亭翠羽襴襪迎暉  
閭闔西面山子一座上築瓊樓過綵牌坊進三座  
門紅牆邈迤形闔周排綵樹倚雲祥葩霏蓋至金  
黿玉竦之橋則玉河煙景太液波光平川如掌瀉

渚鳧汀風亭水榭望若圖畫艇子三兩汴泗上下  
其有左旗右幟錦纜牙樯則

御舟之維於北渚也

橋之東即

承光殿循牆為過街綵坊面南為花神廟外立百花牌  
坊繚以朱欄後有三層樓最後遊廊九折東偏為  
仙臺負山截葉俯瞰錦城是為浙江省民商人迎  
鑾慶祝之所自此進內三座門門之東面演劇綵臺一

恭演南極呈祥大戲北面西洋式方亭南為牌坊  
額曰恭則壽迤前葯欄花架綴以西洋房數十楹  
過赤鳳臺又一綵坊坊之南山子一座林樾清窈  
橋徑曲折作白猿獻果之戲又為鼇山二十四楹  
極山川之奇麗續洞天之勝景前接福佑寺牌坊  
紺宇琳館碧瓦參差對面則羣峯拱列琅玕萬箇  
過桃式演劇臺扁曰綏山獻瑞又毘盧亭子旁設  
擡閣五座俱取吉祥綴景有童子粧束巍然竦立

高出檐際中衢為流雲牌坊從此林巒臺榭層見迭出景亭之後闌市毗聯天閭曉景人海歡騰較之

紫禁城外尤為繁麗矣

流雲牌坊之左山子一座列植喬柯紅翠相間兩面對置西洋樓房玲瓏網戶結構精嚴左為遊廊數十楹右為月臺布置點綴如西泠明聖湖塘風景中衢立綵牌坊又南為城闌一額曰錢塘勝景

過此則斜廊轉角對出如翼道西面

西華門為線法山室宇崇詣巖竇空嵌山表為流雲  
牌坊左右復為小山山之麓為在籍大員來京慶  
祝跪迎

聖駕之所此自西直門至

西華門圖繪之大槩也

右臣等恭撰圖說二謹自

圓明園

聖駕出宮門時以至

駕入西華門進宮按其里地以諸王貝勒貝子公安  
南國王阮光平及各外藩陪隸文武大員官員  
在籍大臣各商民耆庶等恭迎

聖駕踴瞻

法仗為之序次俱各就圖幅標注所在以見斯時  
萬方効祝企踵歡實幸躬睹禮明樂備之隆  
用以揚

福釐而洽

親愛至於點景綴設屢奉

諭旨勿復踵事增華慶節前期既

特命量減綵飾還宮日更

命警蹕勿施故茲圖中所列皆摹景物之真藉著實

文之兼尚而若都城內外坊衢陌巷金碧相輝

繒綵交設樂風雨之時叙耀銍月之光華較之

登春臺遊華胥猶揣摩想像之詞未若茲之慶

豐綏

壽萬祥駢轡為毫翰之所不勝寫者矣

八旬萬壽盛典卷八十



欽定四庫全書

八旬萬壽盛典卷八十一

歌頌一

臣等謹案歌以申其愉懌頌以著其雍容三百篇之被管絃匪惟取協中聲抑亦昭政治之相通導羣情之歸美用以鳴醵而宣豫耳洪惟我

皇上德廣運而立

聖神文武之極

福大備而膺位祿名壽之全欣開

八袞慶辰延嘉集祉自蜚佗以來未覲茲盛則亦結繩

書契以來未易揚茲鉅典者也

臣

等間考前代壽

節臣僚進獻詩文在唐則張說有集賢表端之詩

于邵有甲觀神光之頌在宋則晏殊賦陳述聖楊

億頌著神光或雕績美詞或摭引符瑞本非有鴻

德大猷可昭久遠而祇欲以虛文相夸耀宜乎侈

言之而無以薌其事飾言之而無以壯其情矣若

廼

帝期曼羨敬愉大同以鼙鼓軒舞之忱抒浹髓淪肌之  
感所臚者

實事所效者歡心不啻人一其聲聲一其誠洋溢乎篇  
章之外顧自

皇子以逮臣工士人悉

聖教所涵濡

文治所陶淑然且竭愚稱頌皆不及

御製四得兩論之

理大而蘊深是舉江淮河濟以贊海雖不知海而莫非  
海納之舉嵩岱恒華以贊地雖不知地而莫非地  
載之至大難名有摹繪之所不及者臣等肅稟  
睿裁釐次一百本彙成卷帙藉以欽

大文之萬有無貶並以見

大聖人之弗遺片善斯誠歌頌諸臣所懼忤蹈詠於無  
已者爾

萬壽錦屏聯句

七言二百有十韻

子臣

永璇等

吳眷我

朝勲被表

聖承累代迪光前普天玉燭調三界

子臣永璇

建極金甌鞏

萬年奕禩

神謨功永賴

至人心鏡照無邊有猷秩秩文增賁

子臣永理

猶日孜孜健

體乾至治彌綸亭育大精勤習貫盱宵便

楓宸寶數蕪參兩

子臣永琰

椿筭春祺拓八千廣袤審方茲

徧舉苞符畫卦此開先典興禮樂菁華富

子臣永琰

祥

溯宮垣緯宿連

帝者如春生萬物日之方午炳中天丙辰鳳紀風調律

孫臣綿恩

甲子龍提政察璿輔相元黃資默運顯承

謨列契真詮徇齊敦敏通思睿

孫臣綿億

好古鉤深勵學堅

聖德壬林資性始

天工寅亮得心傳奉時祇若淵衷惕

孫臣綿惠

熙載從凝庶績

宣觀象臺儀精股曲升馨壇位法

穹圓元辰穡事祈其實

孫臣綿志

先夕齋宮坐必遷盛樂

大雩時盛夏

南郊長至日南躔每年三舉年為典

孫臣綿懃

肇祀六宗祀曰

裡特製陶匏遵古昔前期蒞票慎犧牲宵昇奠璧

宮燈却

孫臣綿懃

次出更衣

御幄褰殿薦洋洋陳几上

泰元穆穆降壇巔

天心

聖敬孚顒若

孫臣  
綿總

帝謂予懷凜肅然衛列儀營旋以吉命其宥密靜斯專執

圜久矣誠無息

孫臣  
綿總

恭舊從來率不愆

皇史世編傳

寶錄

聖人時展虔長筵是彛是訓深由繹

孫臣  
綿慶

敷賁敷前永



克肩艱鉅必然師廩廩尋常亦不漏  
戔戔旂名辨

色軍皆整

孫臣  
綿寧

文鑑諧聲義備研騎射相承嫻省

括衣冠無改敬銘璫澤沿鴨綠江頭舊

孫臣  
綿憲

花數

牡丹臺上鮮全韻體詩依韻賦紀

### 恩堂記與

恩鐫層樓屹若岐陽鳳

曾孫臣  
奕純

靈沼迺然華井蓮

聖有暮勲長定保風留淳樸大陶甄奏械摺待宮中鑰

曾孫

臣奕  
紹

錫養廉加俸外錢

功緒焜煌崇肯構

廟廷深邃肅鳴鉦萬春統業傳

弓劍

曾孫臣  
奕綬

四季焄蒿列豆邊

神御夏秋瞻

永佑

宗宮

冊

寶琢和闐以之率

祖居無倦

曾孫臣  
奕紆

况自尊

天積有虔握要所存心翼翼恃源而往道平平宵分便審

壺中漏

曾孫臣  
奕綸

景昃猶批案上箋申命允釐亮作

易迪功荒度禹胙胙高明覆物霄升旭

元孫臣  
載錫

晝

夜盈科海滙泉萬世萬方圖久大匹夫匹婦念慙

拳

殿開勤政惟無逸

子臣  
永璇

管欲窺天是一偏翹首徽猷

分件繫拈毫臚頌各條銓六聯八柄衡羣吏

子臣  
永理

大法小廉凜衆員德始懋官功懋賞

躬惟修道國修權

乾綱獨攬樞機密

子臣永琰

泰運交孚化澤延內自閣臣兼

部務外而牧伯飭官聯法司秋讞咨三省

子臣永璘學

士晨趨戒八磚特闢史家書虎渡為防偽吏倣蒲

鞭存神非是行鈎距

孫臣綿恩

問俗由來黜削朘晰事

鑒雖毫必辨安民苗有莠宜塞錦無學製絃無改

孫臣綿億

金待鎔鑪埴待埏班見昌嘗遺下縣一噸總

未假中涓即看吏治均無飾

孫臣綿忠

原與民生久作

緣孚惠矧教常徧德盈倉自爾概連阡正供遇

慶茲四免

孫臣綿志

全漕邀

恩已再蠲賦列周官懸法象田分禹貢逋聯蟬不毛尚

復征其布

孫臣綿懃

有銓羣然納在辭何幸屢豐收積

畝普教無稅享安廬徧灾頻復連年欠

孫臣綿懃

特賑

遄流九府園沛澤神倉先事發滿腔民膜積忱填

省耕甲帳張隨輦

孫臣綿總

灑道丁男念挈銷減賦符除三

分一賞牌街舞萬人駢淳風共戴

皇仁洽

孫臣  
綿悃

曠典非緣舊例沿率土

恩膏恬慣沐問民疾若喜俱痊厚生正德堂基叙

孫臣  
綿慶

洽國矢文星日懸

治以道隆光韡韡詞緣氣盛浩汭汭

文編二集

詩編五

孫臣  
綿寧

法到從心理到穿輯鑑評都超往論研經

義必邁前賢遠尋寰野曾尋緒

孫臣  
綿惠

秘啟尼山欲

啟鍵言志渾然籠宇宙成章卓爾捨蹄筌正而葩

矣吟排日

曾孫臣  
奕紱

麗以則兮語壓仙自是文瀾翻

若水豈惟筆力大於椽條分通禮同倫習

曾孫臣  
奕紹

器有新圖取次編樂擬白居易新什譜翻朱載堉論圖書

叅松雪草皆聖

曾孫臣  
奕綬

畫竹雲林筆有禪館積三開先

國史閣今七建首

文淵

皇朝檔冊新加纂

曾孫臣  
奕紱

往代鱣綰古未湮舊槧取贍

讐別本耆儒親見渴流涎潘遼畿輔珍彌富

曾孫臣奕

綸

江浙維揚貯弗騫累轡千函馱計輶連檣萬卷

載盈船儒林江漢朝於海

元孫臣載錫

禮教衡紱覆有

經太學淥池環似壁大成黃瓦飾如璇九苒曲柄

華幢矗

子臣永璇

四面明堂彩桷樾西域開疆咸設校

東階舞羽不惟升國書字母天垂象

子臣永理

經館禪

宗日耀煇貝葉語皆嚴校勘龍龕音必正誕諱修

文廣教傳滋遠

子臣永琰

奮武垂勲赫有燁首定隼夷



澄玉水繼平回部馘金川狼心蠱尾貪多毒

子臣永璘

鴟義鴉張蹶且踵下令嚴程戈甲靜中樞奉

諭羽書遄鯨無京觀陝抹築

孫臣綿愚

羊許和門肉袒牽箸

早前籌如破竹捕無諸特却殲虜三方版籍開疆

廣

孫臣綿億

一例車旗奏凱還沙渡排來臺記里碣樓

改與屋連楊快哉業已隨風掃

孫臣綿惠

蠡爾蛙還向

井挺砲獮萑符清濟漾竿梟回鶻盪蘇田海隅小

醜塘當轍

孫臣綿志

神助將軍虎扼咽哂彼緬酋初哭

冰偶逢瘴氣墮飛鳶震鄰索索聲先奪

孫臣

整旅

闐闐事已竣忽見輸琛來累譯有如韜及服西零

表求丹陛人瞻闕

孫臣

冊奉金絲象渡滇八用兵

旋民擊壤大濡筆記學鐫硃月支絕域仍輸馬

孫臣

綿

義馭當天敢耀蜎畫苑鏤青紫光閣鏡歌第一

九龍旃圖傳拓本如曹霸

孫臣

樂奏聯聲擅左驥

每歲秋郊行桎肅連程星駕向山谿熱河

蹕啟萬家郭

孫臣

上塞圍張百子卷清道風師灑塵雨

掃霓旌羽翬雲鉞晨裝雷動輿滕載

孫臣

午騎雲

屯轅露彌風入縈翻騰駉駉草枯眼疾下鷃鵲爭

先陣若魚麗結

孫臣

獲雋歡如鵲起翺五色墮

猶帶箭連番殪兇屢鳴弦起車止馬雄如缺

曾孫臣

純接軌連鑣勇若帽最是及鋒三尺筈問誰差馬

九方歎此中軍禮嚴而泰

曾孫臣

各墜營員敏且

顯決肯歸鴻飛湛淡弛置脫免走聯猿好生不碍

街南畢

曾孫臣

習武非耽塞外佃狩野師從憑指

使謁

陵

躬拜愴梧棖維新

帝命由東藩

曾孫臣  
奕紱

自古輿圖屬北燕炎漢國祥起宛沛

宗周世澤在岐岍龍興吉壤鳴鸞輅

曾孫臣  
奕綸

鵠立

崇班策駢次第省方雲罕舉先期下

詔鳳文翩津門職貢逢時集

元孫臣  
載錫

運漕河身相地輟

三晉輿情羣有幸五臺頂禮佛曾公禪林西謁文

殊寺

子臣永璇

德教東巡

闕里堦美富宮牆山仰止風流洙泗水西旋淮南地

本資耕織

子臣永理

江北河先導澗瀍幾道椿初排石

下連條筏為合龍纏東偏澤國塘沿海

子臣永琰

南迤

泉亭郭外曠鑿就雲根排砌礧浮將新篁盪漩濶

六巡

宸駕躬親度

子臣永璘

兩省民情日久甦不吝朱提偕赤仄

幾經秋蟀與春鵲沿流開建重關鎖

孫臣錦恩

引重舟

浮一葉扁子午潮低無弩射飴形鹽判各場煎三

神山有風收浪

孫臣  
綿億

太史河如鏡啟燧金碧蜃騰

樓絢爛清黃牙錯穀淪漣一巡五載書同律

孫臣  
綿惠

多吉朝陽雅有卷展義朔南琴鳳蓋告功清晏蟄

蛟跼化成祇是恒亨爾

孫臣  
綿志

政治於何後倦焉在

吏在民情遍察乃文乃武事俱捷贊參上下三才

建

孫臣  
綿懃

天地中間萬福全

五代一堂徵燕喜深根遂實慶瓜綿樂逢偕樂紆行旆

孫臣  
綿懿

孫又生孫報驛駘龍種宗支歌蟄蟄麟祥族

讌舞蹁蹁引潢天派昭昭界

孫臣  
綿總

敦葦春田泥泥

雍座啟黃流人洗爵鞭揚紫禁馬垂韉五更三老

排芭鄭

孫臣  
綿侶

千叟同筵會羨佺紳士往來聯洛社

桑麻歸話問彭錢杏花春雨農遮笠

孫臣  
綿慶

麥浪薰

風婦鎰簍村塢千倉場啄雀車箱萬貨市停驂三

邊牧兆維魚夢

孫臣  
綿寧

八熟蠶看箔眠絃誦自然

推上士工商曾未服長鬟斜陽樵採肩盈擔

孫臣  
綿憲

初月漁歌手扣舷咸若無私到花柳太和遍洽及

蠕蠕試聽萬歲呼嵩麓

曾孫臣  
奕純

豈效羣仙訪豆圖

七秩古稀頒鳳蔚

八徵耄念篆龍涎方諸六帝三皆邁

曾孫臣  
奕紹

超彼一元

二寔孱

親製鴻文鈴以璽仰惟

天貺密於綬箕疇九次申洪範

曾孫臣  
奕綬

班老五行闢小譌

肅又哲謀聖所事風寒暘雨燠無遭鑄鐘大叩筭



鳴獸

曾孫臣  
奕攸

石鼓重新柳貫鱣元日朝正陳象馬

南交乘朔化鷹鷂梯山有譯降蠻馱

曾孫臣  
奕綸

鏡海

無風請雜縣樂此

昌期長化日恭逢

壽宇藹祥烟星連八表燈輝柱

元孫臣  
載錫

露湛千官轂擊

軒金鳳口銜

綸卷下陽春脚遍草芽辛加階

特賜新銜爵

子臣  
永璇

寬賦無征舊宅改咸秩百神隆盼蠻

開科多士取楠梗貤封

賜誥書爭誦

子臣永理

起廢彈冠綬未薦戶集華顛更黃髮

春差雲錦及霜私鶴鷺分墜均邀賞

子臣永琰

狂狷蒙

汙尚許湔一札十行羅總總九垓萬彙悅轉轉鬱

葱在望

東

西謁

子臣永璘

遊豫無憂外內蟠五嶽視公

升泰岱二知揆

聖見羹饘周朝在鎬魚依藻

孫臣  
綿恩

虞狩當春蟻慕羶

底事封中占醇醇獨於川上會潺潺桃花津逮明

箕尾

孫臣  
綿億

櫻薦歸期刈麥捐五色臚雲親甲第

北壇至日省牲犍時當消夏山宜駐

孫臣  
綿惠

人說今秋月倍

娟電繞虹流嘉會節雲需雨解德恩澶中朝喜氣

開闔闔

孫臣  
綿志

寰宇歡聲遞簡籥鐘鼓九天傳廣樂

共球萬國藹溫瑄貢登王會城連野

孫臣  
綿懃

欣動民

情屋飾杓大有年張燈簇簇太平風送鼓齎齎名

花好景排佳麗

孫臣

仙羽明粧綽婉嬋走馬飛黃

金匱匱為梁映碧水鞦韆千篇奏

御雕龍虎

孫臣

萬舞陳庭戲曼挺瑞見卿雲光紉縵人

生壽世暢蠅娟杓携龍角三千宿

孫臣

琯獻瑤池

十二鈿無量僧祇金聚體長生仙侶鬢還鬢民躋

仁壽衢尊酒

孫臣

帝念封疆國柱礎為允祝延鳩致慶無多引重馬徒驢

南山詎必加銖壤

孫臣

文貝何如緯木棉自是堂

階停葉幣祇逢

郊

廟合供蠡衡陽品物仍登柚

孫臣綿憲

淮浦珍奇未數墳地醴

天膏皆世瑞川金山壁為民捐

恩言如此心求赤

曾孫臣奕純

幽頌維知歲獻研最幸庭前

趨侍榻相將座上出懷鉛承

顏有喜先臣庶

曾孫臣奕紹

遶

膝臚歡入篴絃欽

訓久聆圖治切陳詩敢擬騁詞妍日新其德恢

前烈

曾孫臣  
奕綬

業廣惟勤契

上元壽載為

皇增慶瑞兒孫上壽舞福禔臺萊奏已參笙籥

曾孫臣  
奕綬

籌幄添寧止算紙兆姓登春薰碧醴八絃張樂啟

紅瓊珠光露自瓊林浥

曾孫臣  
奕綬

金德風依玉砌扇

南極壽星秋炳煥東嶠

聖澤日逾濔濔宜戩穀無疆慶彩服長賡祝嘏篇

元孫  
臣載

錫

萬壽錦屏四得頌

謹序敬集

御製文句

內廷大學士翰林臣阿桂等

中庸言位祿名壽必推本乎大德隆古以來惟舜  
能用之要惟本精一執中之奧蘊天德王道一以  
貫之富有日新孳萌萬物握乾符合太和以迓上  
天無疆之庥五三六經之所傳曼乎禕而萬年之  
鴻寶矣

大聖人受

天眷命壽世而壽身欣開

八袞萬萬壽無疆化成久道景祚延洪儲祥錫羨福應  
備臻三代以下為天子至八旬者纔得三未有躋  
此崇隆者也

聖人至德有以得此歟萬八千歲之朔稱觴獻壽於其  
間敬愉大同罔不忭喜

羣臣

例當進獻辭賦共晉

九如之祝夫表德紀實集慶垂光洪纖咸備神聖



之蘊也繪句締章其理莫賅挂一漏百形迹之論也

聖德淵懿

聖學高深道綜百王集羣聖之大成故言出而成經炳日星而章雲漢所為

御製文旨蘊宏深心源符契以是為學亦以是為治琅函玉簡

宣示萬方咸觀光華是訓是行天下之文章孰有大於

此者臣愉殷酌斗兼誦

宸章之美富因辭以見

帝王之學合德乎天地盛德之致福永年天人之際固  
有不求而至焉維舜重華有同揆也有大德者之  
得其位得其祿得其名壽景鏐哉蓋貞元嘉會在  
斯時乎在斯時乎非甚盛德其孰能及此乎夫獻  
壽表誠修辭立其誠以介

福釐有要有倫益相發明

聖人之言

天之文也井裏窺天不自竿量次第甲乙以盡錯綜之  
數蒼萃行間據實書事莊誦繹思而歡欣鼓舞慶  
宜歌頌拜手稽首曰

大寶曰位應期受

命國家肇興東土迨入闕定鼎

耿光大烈自古得天下之正累洽重熙適際其盛黃中正

位

皇帝繼序

聖祖恩眷異常甫十餘歲精一之心傳及

登寶位純佑命於日引月長紀受

恩之自

聖人致治謹幾慎微日昃不食未明求衣展誦

列祖實錄夙興夜寐覘開國之規模櫛風沐雨一日萬幾

奉三無私通求厥寧維此嘉師博考典章斟酌損

益甄以大鈞是匡是飭

兩郊大祀必躬必親

五廟冊寶炳炳麟麟敬念

右壇迺開琳筭歲舉耕藉之典以劭樹藝覆以黃瓦永揚教澤

升歌議禮上自義軒下至勝國靈貺孔時載稽祭義

八旬初暨咸秩典祀黼黻文章犧尊象尊圖以臚之五禮

五器之文巡狩之典厥有舊章觀風展義盛典商皇

澤洽圻甸聿遵伊洛覃齊浹魯周豐殷亳展禮清涼

六度

南巡明者明理敬者敬

天載在宗盟昇以爵秩以親九族肆筵設席繼絕昭屈元德  
顯功爰及苗裔展親之隆闕廷蒞政引見官吏批閱

章奏

訓勅有位無曠庶官簡任公卿百執事心可干城械櫜誦  
詩文武並勵典在有司健銳火器養旗兵羽林神

策煌煌

帝京歲事秋獮陳戎冰嬉是以詰戎揚烈安不忘危有

溫有肅雨露雷霆亦惟視其自取數教明刑胥出  
內帑為興工作公旬不勞遵堯之約王者制事立  
法物度軌則凡百有位各有攸職矧以

大聖人正位宸極致治規條以詔示無數

聖有謨訓祈天永命尚書五十八篇奈何弗敬祇祇翼  
翼敬奉

神器歲萬又萬常厥德保厥位

右位

紫垣三友曰壽曰祿富即祿也歛是五福富有四

海理大物博駢豎殷闡後天下之樂而樂生聚蕃  
衍土宇之富農部尚書核戶口田賦

聖人對時育物而察登耗之故菽粟如水火耕九餘三  
煦以淳風扇景蔭甘既屢豐錫羨因五方之財貢  
賦物產聯軫偕來浮漕利涉帆樯數千里蕃廩盈  
寧錫租漕糈暨三千大千朝貢之國茲以其靡至  
輻湊鱗集玉山是蠹騰格是供不脛而走戎己告  
豐道通繅馬坵牧之場駢駢駢駢駢駢雲錦七襄受



天百祿荷

天之龍一歲度支以二萬計樸儉是崇勿問元吉有孚惠  
心博施濟衆匪今斯今供職惟欽重增秩祿兵衆咸給  
月糧

賜之廩穀八旗根本之地旗樂屯莊歲暮星窮豐

錫殖康且天子安得有財藏富在民故國以民為本民  
以食為天

德心是懋省歲祈年宵衣旰食誠知稼穡艱難貴穀飭

金史卷八十一  
卷八十一  
農即康功田功而較晴量雨詩詠涵風

命直省旬月奏報雨雪禾黍沐澤郵函所  
諮訪運萬寓於几席臘雪盈疇沃以甘澍

睿顧以懌修和六府蠲復徧於各省凡有水旱蠲逋賑  
卹則

言傳號渙

親臨河淮

指示經畫又吳越海塘易柴以石海超中壘俯臨衆壑

則之襲之以䟽以淪是以第祿引康戶慶盈寧農  
桑被野

敷錫多福于有生福彼蒼赤滋液滲漉以節制保豐亨

以綏後祿

右祿

抑謂名者匪循其名實者名之主武緯文經

文教彰明躬釋奠於

先師璧水環之見園斯池十鼓井井無縫天衣避暑

山莊而陽關玉門上庠下庠教育羣倫

經筵所進口授指畫令歌抑戒之詩矢其文德詩三百  
譜以正調與三代同風磬不可闕鑄十二鐘

右文稽古首列經史刊成善本以造就士五經萃室校  
刊三通燦焉明備列在學宮通鑑輯覽之書建中  
表正昭監戒著幾微

示羣生以金鏡一體賜謚另立貳臣傳斧鉞昭然一褒  
一貶若淵若源若津若溯四庫全書萬流景附譯  
以國書三藏十二部煌煌簡冊不可勝數皆斷自

聖心而昭來許文有

二集多文以為富訐謨大訓萬物咸覩事以頌宣邠岐之地列薩爾許山而特書其事為

古稀說為開惑論為

南巡記武成而勒碑太學校創業守成孰難此其大者矣立德立功立言卿雲有什

聲為律身為度推而益廣以符天數大德曰生而四時行作笙詩吐辭成經月令古書爰答歲華書皆備

韻譜韶韻之歌鼓盪元音體察物情漱六藝之芳

潤彤炳日星

奎章寶翰形於心畫宮殿屏底所其無逸拂素揮豪天  
球琬琰名家墨妙以嵌石版文德武功同其廣大  
武成九次無遠弗居我師洸洸戈鋌所指掄二十五伊  
犁平矣數世梗化

兩朝志竟操刀必割由頤有慶二酋脩德怒臂當車我  
師堂堂電掃風驅遂來獻馘諸回永靖顛面纏頭

各保性命小金首禍金川助惡我師深入大韃大  
膊碣摧垣裂利斧其吭滴博蓬婆屯戍我兵曰梟  
曰獍賊固其壘揚我仁風一日千里三月成功後  
寶先聲我武維揚南奠臺澎大漠蠻陬瀛壖炎島  
張皇六師順者撫逆者勦紫閣形繪磨盾告捷師  
出有名豐功駿烈着列掌示

指授方畧

大智若神

武功赫濯文揆武奮

道兼創守蕩蕩難名料名實其並壽

右名

位祿名以壽彌昌俾壽而臧故中庸曰悠久無疆  
天行之健匪居匪康動靜有養

身其康疆繭版蠅頭匪伊朝夕據鞍策馬

一人之心力仁壽之域也苞符延洪蒸為太和寶甕八

鴻厥彰祥源膺禧單厚

予得元孫載錫之純佑麟振其趾以懿行慶



宮用題額五代同堂念我羣從斯引福紀昌我宗潢  
本支百世圓頂方趾之衆曾元繞膝得造物生生  
之元前後凡二百國之者俊星紀長庚之宿綺眉  
聃耳黃髮鮐背乃穰穰綏壽門旌人瑞既日滋而  
日繁以三千餘人於

乾清宮追一日歡曰布魯特村嫗里媼協氣氾濩冰  
山雪窖或祿成均棘院耆儒祝

嘏來庭闕嶠南區率俾絃瀛共效子來各得其所寧老

安少懷義和增錄靈臺時憲三元甲子積萬乃無  
算浮圖九級以所被香緘太常之司肖翹跂喙侈  
稱瑞貺者見何小哉惟

聖所樂解慍阜財萬福來崇而重新  
寧壽宮式與式壯柰苑神工殿稱

皇極竹苞松茂吉語臚寶慧燈普照中和大備景鐘  
發聲為園為金震耀華鯨蕩蕩由庚

八袞爰開生物之元調幕登臺用叶

崇禧行慶施惠輪蠲各省其所供賦稅式燕且喜雲上  
于天幽堂用躋九寰斟酌乎衢尊

大君有命特科興賢百辟卿士因沛

殊恩

國家秩祀之典祇薦明禋刑章平允廣敷

解澤醞醞釀厚至於惠我德豐紐重臺擇言鑄璽箕疇

九九出於洛水八惟庶徵曰時曰恒其義見八十

曰耄介祉錫美衍繹範言念茲在茲饒以合璧厥

義入徵二月東


巡狩遂躋岱宗金泥玉檢陋彼陟封登

夫子廟堂先後同揆其樂與壽壽以萬世萬里奔走  
如星拱北蒙古舊屬及都爾伯特和碩特土爾扈  
特其汗王台吉等淵窺億臣南盡交趾邁呼韓之  
朝天貢音於傑裔遵我王度至於衣冠廓爾喀遠  
連衛藏貝葉霏烟緬甸歸順生蕃化外自暹羅南  
掌等國國于王會中秋八月日德則酉占留熟

正壽之慶萬年永卜川阜增嘏旗翼之壽乾園坤方貞  
固恒久敬上無量

壽時萬時億京垓紀年端在乎德

右壽



八旬萬壽盛典卷八十一

欽定四庫全書

史部

欽定八旬萬壽盛典卷八十二

詳校官兵部主事臣雷純

欽定四庫全書

八旬萬壽盛典卷八十二

歌頌二

萬壽錦屏賦一首

大學士九卿臣嵇璜等

璇霄幹運珠緯回旋鴻綯啾吸元氣繇繇惟

天行健惟

聖憲



天惟誠無息惟無逸永年道合符乎

帝緯自齊壽乎大圜天根月窟迭起貞元六甲五子萬萬

周環維

八旬之初屆荷

申錫之便蕃諸福備臻

洪筭彌延四瀛陳祝六幕臚歡琛賁合還歌頌駢闐伊

簪毫於丹地日三接乎

龍顏咸攄忱而拔藻已臯拜而颺言惟三槐與九棘叨

卿月之崇班際升恒之

久照均涵育於

陶甄譬春鷗之應律亦羣轉而迎暄雖駢坐

繁禧推莢不能以殫數馨香

至治罄牘莫得而備傳然天不可窮而可測以七政之  
晷度池不可盡而可紀以兩戒之山川尺木所量  
亦黃祗之片壤寸管所見亦丹曦之一躔

懿綱醲化經緯萬端外彌綸乎四海內總隸於六官各

分職而率屬奉

綸綍之所宣殫知識以闕測亦或得一二於萬千於是

臣巴延三臣瑪興阿臣保成拜手言曰澄叙吏治  
天官所掌考績維嚴程材期廣我

皇上提挈天綱道無偏黨

舜尺剗度

軒銅規朗登崇俊又慎周典之論材辨別神姦垂禹鼎  
之鑄象一黜一陟弗濫弗枉均賞罰之自招類形

聲之影響卿尹暨於庶僚岳牧逮乎令長趨

紫垣而輪對登

彤墀而瞻仰

親詢事而考言恒

求衣于昧爽五十五載居今溯曩信

強固而精明軼三五而無兩卜

萬壽之延洪可取徵於既往臣誥穆親臣蔣賜榮臣慶

成暨臣蘇凌阿臣劉秉恬拜手言曰總持會計

職在司農合千萬億之賦制三十年之通體國經  
野酌儉籌豐我

皇上樽節愛養地寶恒充權衡

國用圖度田功再停轉粟四蠲正供

天膏滋液

恩波瀛浴若夫金穰木饑占星所主箕風畢雨視月所  
從或陰陽之偶沴適氣數之相逢並資

帝力代補

天工經營其賑貸寬減其租庸雖累萬累億無辭糜費一方一隅亦繫

宸衷益屢加而靡已實縷數而難終是以澤霑壤叟惠  
浹衢童飲伊耆之蜡籥幽國之風歌吟響答祝獻  
華封知

至仁之必壽衍鳳紀於無窮臣常青臣紀昀臣德明臣  
鐵保拜手言曰帝媯三禮秩宗是職

茂典恭逢儀章肅飭繼

文祖以重光咸通循乎舊迹惟令主客古典屬國貢集八

寅路通九譯茲

壽寓之宏擴彌梯航之絡繹靈鮫效賁於東瀛神鹿呈  
圖于西域驃國之樂合奏於琅璈越裳之使旅登  
於瑤席梁元之所未繪顏籀之所莫識更有丹雘  
名王抒忱吐臆遠從桂管之南遄趨松州之北奉  
瓊竿而稽首稱

堯齡之萬億自攝提以至今曾未覲諸史籍至于鳴豫

導和象功昭德溯泠綸之截筩稽后夔之附石三百五篇定風雅之宮商一十二管通陰陽之翕闕於以見

制作之典則禮樂陶冶詩書膏澤魯泮博采其芹藻周雅增求其樸棧文明有象而奎躔吐耀

壽考作人而雲漢絢色於以見

教思之培植

鴻造涵育羣生滋息一門集其曾元千叟聚於京邑五



老之榜耆耆覲夫

天光百齡之瑞耕鑿歌夫

帝力於以見太和之洋溢若夫禮祀精誠百神感格登

黍稷以升香奏韶謦而薦璧

臣德瑛臣李臺親瞻

昭事之無數雲上於天象符羲易鹿鳴饗以笙簧

天保祝以松柏

臣武隆阿臣蔣曰綸親見燕飲賡

歌之愉懌蓋浹中外之歡心均本

敘福之敷錫

臣劉我臣吉慶臣趙鏌拜手言曰夏官司

馬實統六師恭逢

軒帝親握戎機

坐黼辰而制勝燭萬里之嶮巖九天九地一正一奇神  
明變化妙用莫窺追策勲而註籍始仿佛其端倪  
西征碎葉迅縛昆彌貳負右桎再舉參旗花門燿  
燭復欽月支遂拓宇二萬包絡濛池吐蕃九姓妖  
鳥羣飛削平二豎震我靈夔雞籠鹿耳漲海無涯  
神謨獨斷亦剪鯨鯢剗樂石以勒績凡四樹乎盤螭山

左隴右蘊崇艾夸雖尅期蕩滌蟾蜍視之已駕軼  
乎方叔之江漢裴度之淮西蓋

睿籌若是之無遺也然而精練貔虎慎簡熊羆申明紀  
律警戒恬嬉乘金天而大獮尚

親臨松漠以馳驅至天育驃騎驟北蕃茲五花六印蹀  
躑權奇臣世魁臣秦清稽覈羸縮罔敢羸疲亦惟

一人之宵旰能振舉其綱維臣胡季堂臣穆精阿臣姜

晟臣王德臣王昶拜手言曰一溫一肅天道之經



熊暨臣慶齡掌烏臺以司憲參鳩律以持平亦同  
聲以颺贊曰惟允而惟明臣金簡臣德成臣鄒奕  
孝臣阿必達臣張若淳拜手言曰朔典蒼姬冬官  
居六五材並飭百工咸屬括舉宏綱畧厥細目大  
者河渠次則土木蕩滌黃流千里一曲禦風濤之  
剽悍次防隄之修築或驚湍之涌溢迅搯芟而湛  
玉靈胥怒潮龕赭所束混養銀海

天臨親矚營石埭以屹立鎮魚龍而馴伏楚江澎湃日

浴月沐鯨波衝擊蟻穴滲漉藉

神謨之指授還南荆于平陸莫不度支浩繁轉運相續  
青蚨朱提連檣擊轂恒溢量而多贏

睿慮尚虞其不足至於

軒皇合符

舜帝巡岳屢

省方而觀民恒誠奢而尚樸

輦路惟資夫洒掃

行殿無崇乎華縵舟梁取濟乎車徒薪芻不侵乎樵牧  
咸供頓之有程

慮或擾乎部屋信

仁心之為質宜備迓乎天福別有

天潢司藉蓬山講藝周隸宗伯今分為二同作頌聲  
繼乎其次臣孟邵拜手言曰本支百世公族公姓  
序其昭穆掌其教令溯源從

祖篤親惟

聖豐其廩祿溢于熙寧之所請辨其章服榮于嘉靖之  
所定詠行葦之勿踐知周京之積慶既醉備乎五  
福綿嘉祥于無竟臣伯麟亦拜手言曰古之宮僚  
今為翰苑即春官之外史惟圖籍之是典仰見我  
皇上天藻日新道源奧衍闡苞苻于玉宇耀儀璘于金  
版越十載而一編允範金而垂遠天祿石渠蒐羅  
秘簡積六千帙溢八萬卷皆

聖鑒所



親裁付儒臣而編纂日綜理乎庶績悉稟承於

睿算尚乙夜之懋勤

親琅函與金管倚

剛健之神明實古今之所鮮至於外納章奏內徵

詔旨綸閣銀台職相表裏則有臣夢吉臣汪承霈暨臣

玉保臣多龍武臣扎郎阿臣鄭際堂臣翁方綱臣

李潢拜手言曰虞命納言始惟龍作唐置侍郎是

為鳳閣掌綈囊之出入備

披牘而

批諾分下六曹紛綸浩博成立判其從違更無勞于揆  
度鏡屢照而不疲矩從心而奚酌信

志氣之如神恒臨機而湛若復有禁蘖深藪近依

秘殿周隸天官明歸內宦今制酌中四曹別建據所

徵窺陳詞以贊則臣伊齡阿臣舒文拜手言曰官

禮睢麟同條共貫化起二南風被九縣燕閒亦謹

乎

起居暇豫不忘乎

宵旰

年彌高而彌幼信

精勤之無倦雖暫御之未微亦得側聞而仰見若夫典

守郊圻統司都邑雖綰郡符實挂朝籍亦矢其音

敷陳

帝澤則

臣

吳省欽拜手言曰三輔之首近

光之地雖于六職無所附麗與諸曹司事則相繫宣布

恩綸奉行

德意臣典赤縣最先承

制萬井提封六鄉六遂婦孺歌舞之情閭閻和樂之氣  
擊轅之律迭奏鼓腹之圖可繪朝臣所不及見聞  
者臣皆得而睹記昔栢梁聯句京兆尹侍臣效詠  
歌竊附斯例敢代甸服之民稽首而呼

萬歲斯時也前唱後和通陳互舉名言不足以形容稠  
疊不能以覲縷愧挂一而漏萬方拾遺以續補臣

嵇璜整肅冠裳正容而語曰述治法者可臚其目  
窺心源者宜溯其綱天何以圓地何以方岳瀆何  
以融結日星何以晶光春夏何以雨露秋冬何以  
冰霜有太極之動靜乃生兩儀之陰陽也故百福  
之集德操其感應萬機之宰心司其弛張元元本  
本厥理可詳我

皇上憐載合契川岳效祥

五代昌熾

八袞壽康而

軒銘

堯誠咨警無忘錫

寶璽之璘璊摘

奎藻之煒煌傳帝學於箕子溯天錫於妣王婉瑤圖而  
並重同金鑒之在旁蓋範演九疇而敬用居其次  
二數尊五位而皇極立乎中央惟天符之類應准  
人事而相當知息息之默感用孜孜而不遑繫百

度之咸熙繫

一念之有常是曰

聖敬是曰

乾剛是曰於穆不已是曰悠久無疆惟恭則壽實驗彰彰是

遐齡所以貞固而

景祚所以延長是為天人之叶契而非華藻之頌揚是為敏數之有本而非術數之測量於是回環跪誦

紬繹

天章悟

基命于宥密惟莊敬之日彊信多福之

自求非臣鄰所贊襄拜手稽首鳧趨雁行惟聞演

耄念之

聖志以敬上

萬年之觴

萬壽錦屏恭擬



八徵耄念之寶頌十二章

敬集

御製文句

大學士伯臣和珅

巍巍

聖皇大寶曰位凝命敕幾合德於天地在德不在寶斯

引福紀五福壽最

八旬初暨

八旬萬壽萬萬壽無疆苞符延洪用撫天下萬萬邦用

克上協

天心純佑命於日引月長八十曰耄紀曲禮之年

聖人至德聖人即

天天行健君子終日乾乾夙興夜寐一日未息肩心永念

之在茲弗懈益虔

其一

緬惟尚書心法治法箕疇凡九叙彛倫時其圖衍  
疇策洪範有言舉水火金木土俾我民其永利利  
始貌終思敬恭將事由食貨庶政分司而用乂敬  
授民時協乎五紀維皇建極玩五皇極之辭蕩蕩

平平為下民君師好是正直迭用柔剛子孫其逢  
吉身其康彊斂時五福或名其堂景鏐哉

皇帝致治衍繹範言心源符契八惟庶徵以徵信實而  
寶以愈重以詔示無數

其二

心乎肅肅作肅惟恭敬

天尊

祖

郊

廟明禋必親必躬雖八十年一哉

皇衷旁秩百祀盱蠶斯通欲得五風十雨虔禱於

宮中萬物致養上下交而其志同渙汗其大號心勗

占農鋤耨漕糴王政所崇輪蠲各省賦稅籌之無

窮凡有水旱發內帑賑恤轉歉為豐藏富在民實

實隆隆如澤之潤浸以醇釀對時雨兮無私則公

其三

從斯作又哀然文顯

德日進

文日多本末共貫

聖學高深灑為奎翰炳如日星而章雲漢修辭立其議

景撰悠遠誕興東土恭

天成命監

成憲敬奉

神器著為令典虞夏以來至明代為得半而失半約以

皇度罔或徧踰尺寸

幾暇怡情吮毫構韻發聲為律澤於古以餘潤次第甲  
乙厥數無萬有典有則用之

絲綸曰惟久照咸切尊親曰暘如日之升康乂我民人  
其四

明哲煌煌靜虛動燭雖隔九重九有咸矚既明且  
哲

前典斯劬每觀

寶錄先劬心於問燎

黼袞端穆辨色出

視朝能察之能執之政治規條簡任公卿百執事明四方之目弼成教化式敬爾由獄坐悲情偽雷霆亦福

天鑒恢恢萬民恒在懷燠沐垂溫躋之春臺

其五

廣運於上覆哉負宸兼善于謀隨宜

指示

皇者其武闢疆二萬餘里金川平定與諸土司齒西師

建勲平定準噶爾四大回部疆界厥地後平定兩  
金川事弗可已南奠臺澎南盡交趾緬甸歸順廓  
爾喀南掌等國茲以其稟至遊於化宇罔不忭喜  
天以為聰亦又何求

智勇深沈無不籌度咨諏無寒則萬物不成斯謀斯猷  
其六

惟睿作聖明者明理章志貞教莫善乎禮功成作  
樂中和大備歲事



秋彌柔遠寧邇以教以安惟民所止翼翼

鸞輅不宴息深宮六度

南巡愷澤麗鴻運道民生莫大於河工海之有塘壩爰  
以成功覃齊浹魯遂躋岱宗壽相臺懷忻展呼嵩  
陪京甸服慶忭攸同惟聖時憲民欲天從惟庶民  
從者其名爲風

其七

王者敬歲亭育博其愛協氣浥濩相推相代雖屢  
豐見告勿謂豫大

省歲

省成兆民永賴於時為春杏花菖葉乃亦有秋則萬  
寶咸實寒暑靡間命直省旬月奏報雨雪以主歲  
功實訢藹所決百辟卿士取法自然占氣候於十  
有二月道在節宣出入自爾師虞無曠庶官日慎  
一日明晦無愆徵諸庶民一人是主而衆星共之  
而顧茲寰宇有宿有統好從乎風雨 其八  
百穀用成敬茲降祥歲

舉耕藉之典斯穡事之孔良百昌之繇廡繇繇穰穰民  
安郡縣我倉我箱屯豐濠汜守禦相望惟后非賢  
不入其德曰明以正官方吏治蒸蒸賢否清濁立  
判旌廉擢能文武並勵心可于城其職官各賜養  
廉而曲體其情詰戎習衆實稱其名宏綱鉅目各  
有所成

其九

額俊興賢倬為章於

壽考棫樸誦詩蔚為德造文明燕喜秩如彬如兩試仍

思推慈榜彙吉茅茹老而益壯棘院耆儒陳詩而獻頌  
者故廣其登進之途

親臨辟雍右文稽古篆籀之蹟而新為十鼓文淵文源  
若津若溯輯四庫書都為四部分為三類方以類  
聚

避暑山莊曰承德府學校既設俾欽俾慕是以

作人左右萬流景附

其十

皇之人多壽一人孩之合中外為家一人裁之

五代同堂爾乃吉祚大來奕葉雲初久矣悠哉

五福堂者福海大環支蕃五世蓋摺奏浩鯨前後凡二

百祝頌闐歡仰

聖祖之徽猷九寰斟釀乎衢尊式燕且喜稱觴獻

壽於其間門旌人瑞

恩澤旁覃越百歲以扶鳩以養以恬六合一家而康而

安其十一

八之

念徵身為表儀天人之際永欽識之寶于有德

天庥是滋率由舊章用以其時

信天主人夫何然疑

古稀天子今古誠稀及

耄而三念茲在茲

正壽之慶懷福履綏和闔瑞珍既琢既追豐紐重臺蟠以

文螭乾圓坤方夏子煒而嘉應在庶徵庶徵之八

用迓

鴻禧為萬世法程視此頌辭 其十二

萬壽錦屏恭賦 敬集

御製文句

大學士臣王杰

泰鴻環均寶算盈積元氣昭融敘時敷錫自古帝  
王位祿名以壽彌昌必推本於大德

皇帝致治識民阜物葆

法宮以協時符帝車於太乙昭萬年之有道亘千古而  
鮮匹

正壽之慶欣開

八袞顯名丕揚吉語臚實維時遠邇欣愉口億聲一我

大清蒙

天眷祐應運而興洪惟我

列祖

列宗締造維新

大孝備矣彛憲是承勅明旦凜紹庭卑心繼序儼然

天



祖之式憑也金韞氣霽恭逢

誕聖之辰七政比躔以摘耀九寰斟酌乎衡尊以延

鴻算以燕

聖人至於熙皞之世膺禔孔厚時雍協和輔相左右

叶

浸以醇醲亦曰悠久底區宇於和恒願

福祿之永茂

叶

治化翔洽神游於太和洋溢之世者實為從古所未有

亦惟

虔輦孜孜建中表正秉莊敬以日強體貞元而凝

命曹

聰明睿智之資際

累洽重熙之運叶總萬有之紛綸運中天之璣鏡

文德武功外王內聖省方問俗正心勅政匪居匪康其

難其慎昭晰乎

上天降監之原以篤我

國家無疆之慶是以

璿流毓慶介禧錫羨

五世曾元爪綿瓞蔓用此

顏堂灑為

奎翰厥彰祥源金輝玉燦

皇之人多壽萬億基算門旌人瑞爛若霞電綺眉冊耳

熾昌式燕擊壤聽歌靈臺時憲用叶

崇禧歲萬又萬由是天人協應義和增錄八風體政四

方從欲

省歲祈年巖廊晬穆時暘時雨偉兆郁郁躋一世於仁  
壽藻華昌乎姬錄

擇言鐫寶蓋莫若洪範八徵之念所以承

天之福是宜廣宣

湛閭布德孔時履端撓甲魚鑰曙開

綸綍是宣雨露垂滋嘉與九有臣民慶駢豐施蠲惟正  
者萬千垂一代之

鴻規沐以膏澤躋之春臺偉

嘉禎之薈萃璣篇搏總以迓

釐凡百有位疊奉嘏詞

特榜興賢域樸誦詩國之耆耆與夫士民慶豫之忱亦  
皆歡欣踴躍聯軫偕來若乃車書南北萬國朝宗  
外逮四裔君長咸徠獻

壽興其肅恭

山莊秋巡內外札薩克自舊隸蒙古喀爾喀青海王公  
準部回城哈薩布露條支之東若安集延若拔達

克山不約而同瀛壖炎島藩服星拱叶緬甸歸順

西旅底貢

叶

安南雖南瀛小邦耶榮號崇封來覲

行殿彌暢

皇風煌煌

帝京景集雲從遯光涵其愷悌臚歡訖於瀛濛綿綿穰穰實隆隆俾緝熙于

純嘏垂

景祐于無窮故乃持盈保泰益凜

天寵叶致

巍乎煥乎之盛美持不矜不伐之

淵冲圖于王會

盛典商皇叶同

天所燾固不能以言語形容猗歟盛矣自黃虞以來疇與

絜崇

八旬萬壽盛典卷八十二

欽定四庫全書

八旬萬壽盛典卷八十三

歌頌

三

萬壽恭擬跋

御製八徵耄念之寶記一首

大學士公臣阿桂

臣聞帝王之政繫道樞者惟心揆化機者則惟理  
理經緯萬端而本原於帝鮮故必人事協乎矩乃



德與天符必德與天符乃馨香感福祿備焉洪範  
一篇和同於天人之際蓋以此也我

皇上斟元陳樞總持六幕

軒銘

堯誠日慎一日於今五十有五載茲逢

八旬萬壽之期更

特鑄八徵耄念之寶

親製記文以昭慎憲省成之

淵衷咸謂

年彌高

德彌劭精明強固將與方儀圓象同悠久無疆臣跪讀  
而繹思之我

皇上得久照緝熙光明前

特命於

經筵歌抑戒以著

耄而勤學之思今歲進講周易踰聆

御論於乾坤大象闡自勉自然之義

大聖人協撰乾元健行不息臣工固莫不仰窺之姬公  
陳訓稱無逸永年武王著銘曰敬慎必恭恭則壽  
跽讀

御製無逸論

五福五代堂記

大聖人綿算延洪

康強逢吉臣工亦莫不頌祝之然念之云者有實用焉

非徒曰心之精神謂之聖也徵之云者有顯證焉  
非徒以讖緯術數推衍機祥也蓋洛書之數一曰  
五行明天道二曰五事明人事八曰庶徵明天之  
通乎人九曰五福明人之極乎天而居中扼要則  
歸本五位之皇極鄭康成孔安國皆曰皇者大也  
極者中也大中者無過不及之謂也權衡在宥規  
矩從心乃以役使羣動萬化咸宜焉舜曰執中湯

曰建中胥是志也

臣仰荷

聖渥通籍已五十五年散歷中外游登禁近得日瞻  
穆穆之光雖識見禱昧未足知

聖化之萬一然步躔之所測究勝握管之所闕伏見我  
皇上提挈天綱經綸百度與時張弛消息變通如井田  
封建車戰斷不可行於後世者皆

著論以闡其謬而禮樂刑政師古之意以權今之宜與  
二帝三王心法治法皆若合符節我

皇上念典於學茹涵百代挾經之心執聖之權

御製詩五集陶鑄雅頌

御製文二集含吐典謨自天苞地符未闡斯祕而義闕  
勸戒弗尚華詞明著於

聖諭

欽定四庫全書函溢六千卷逾八萬極古今圖籍之富  
而

權衡曲當袞鉞炳如不容一非聖人語又極義例之謹  
嚴我

皇上神武天錫

威弧震疊

凝神九天之上而

制勝萬里之外龍沙蔥雪三十六國指顧蕩平冉駝兩

國吐蕃九姓古來號為天險者旗幟所指咸籍場

艾旃鮫室蜃窟大瀛隔越亦長鯨就剪海不揚波

然逆則討服則舍苟尉佗稽首康祚陳詩則義取

止戈綏柔曲逮兩階干羽原與青邱夔鼓稱物以

施我

皇上論辦官材甄別流品仿虞典之三考侔周京之六  
計滋蘭刈艾披沙揀金

日月貞明物無遁影然菁莪樂育茅茹彙征貢舉增科  
學校擴額四門大闢俊民用章至題特奏之名標  
五老之榜莫不彈冠結綬頌

壽考作人我

皇上綜覈邦計示儉防奢釐剔侵漁杜絕冒濫持籌司



會出納有經然民生國計所關則不言搏節統計  
御極以來蠲租賦者不知幾千百萬免結銓者不知幾  
千百萬增賑卹者不知幾千百萬貸鹽筴蘆課者  
不知幾千百萬築河渠城垣者不知幾千百萬至  
蒐軍實修武備一歲加饗三百萬更久久無極又  
何嘗纖毫靳惜歟我

皇上明察庶物矜慎祥刑狼莠剪而嘉禾榮雷霆鼓而  
勾萌動辟以止辟用弼教協中若情異怙終則

恩宏湯網自金雞

肆青以外夾鳩讞牘歲有矜疑載秋官之籍者蓋不能  
縷數焉凡茲

聖政皆秉大中蓋

照臨如鑒之明故萬事萬物之情具燭其隱

裁制如衡之準故不偏不倚之節各適其宜箕子所謂  
皇極者此也

皇上所以念用徵者亦此也臣備員樞密

內朝燕

見日聆

玉音仰識

睿慮周詳或圖度於幾先或防微於事後無不窮人情  
事勢之微而權以天理其緩急輕重之機諸臣所  
不能驟喻者每委曲

宣示恍然開悟如仰觀三光而臣所意喻心領欲贊頌  
而無以形容者尤在身經之數事夫倏忽萬變莫

過於兵

皇上征伊犁討回部定金川以及秦隴諸役

臣並執爰

以從其間山川險阻隨地殊形進退攻守因時異

勢

臣

身任戎行尚持疑弗審

皇上發縱指示先機決勝千里外如指諸掌軒皇之親

臨涿野不是過也曼衍無定莫過於水

臣

嘗奉

命數視洪河一閱大江於橫流之所衝擊孰險孰夷孰

築孰濬孰無涯涘猝不得端倪

皇上揆度形勢

指示機宜驗若符券尅期順軌神禹之躬秉四載亦不  
是過也至情偽萬狀無過訟庭秋官案牘臣所總  
掌雖與司讞諸臣研核情詞叅稽律令罔敢弗詳  
弗慎然輕重出入一經

皇上酌裁必批導竅會辨析毫釐每承

訓誨皆曠若發蒙非造化在手

心矩不踰能若是順應咸宜歟非用志不分恒久無息

能如是精義入神歟然則臣所謂八徵之

念本於皇極者確無疑矣

臣

因經義而推之是訓是行

以近天子之光曰天子作民父母以為天下王皇極  
之文也今九域之內方趾圓顙雲合鱗萃同額手  
而祝

純嘏非其驗乎無偏無黨王道蕩蕩無黨無偏王道平  
平無反無側王道正直無有作好遵王之道無有作  
惡遵王之路會其有極歸其有極皇極之文也今

炎海雪山之外譯使奉琛名王詣

闕同獻

萬年之觥為開闢以來所未聞又非其驗乎然則所謂  
皇建其有極歛時五福用敷錫厥庶民維時厥庶  
民于汝極錫汝保極亦必驗可知矣

億萬長齡可據經文為券即可據

御製為券彼伏勝董仲舒劉向劉歆之流附會五行烏

足知

聖人用中之精義哉

萬壽頌二十四章

謹序

大學士

臣嵇璜

臣聞京垓演策天皇開萬歲之祥甲子成編黃帝  
引百齡之慶衢壤効歌於唐代祉集三多星雲呈  
瑞於虞廷歡聯八伯周雅則矢音保定箕疇則錫  
貺康彊唯太和之元氣長調斯有道之貞符協應  
欽惟我



皇上福基自德

壽本於仁

統貫三才博厚高明悠久

紀綱八極剛健中正粹精

挈斗柄以斟元澤普衢尊而廣設

握珠囊以燭遠光涵軒鏡而長懸仰惟

帝祚之

延洪疊見

天庥之中錫恭遇上章紀歲少皞司辰慶

一堂

五世之

昌期屆

萬壽八旬之盛會虹流電繞萃炳煥之祥符鳳舞鸞遊  
應

昇平之繁祉瑤樞夜朗映南極以呈輝

金闕宸閒接東瀛而煥采

德克明而益劭

誠不息而彌徵春八千秋八千八八肇循環之算天數  
五地數五五五叶圖位之中運會世胥統於元位  
祿名總賅以

壽爾迺

絲綸疊布

膏雨覃敷四弛鈔租閱三年而必遍再蠲玉粒普八省  
而咸周

秉圭以禮東方儀重乎泥金檢玉置譯而徠南服誠孚  
乎納賁輸琛百僚邀晉級之榮昇崇階於內外多  
士列翹材之選聯

恩榜於春秋

賚幣行糜台耆均叨

愷惠

賜詩予秩耆才並沐

殊施推三宥之仁典特昭夫欽恤展百神之祀

福倍介於昭明斯則慶洽天人情通上下弧南辰北偕  
遊熙皞之天卿月民星競頌光華之旦所以八方  
會極九有輸忱山聞祝嘏之三呼水納朝宗之萬  
派苑綴長春之樹景燦仙壺家分太極之泉祥凝  
寶甕三千叟眉梨髮秀飫

熙朝長養之恩二百戶子繼孫繩羅

盛世蕃滋之象方趾圓顧之輩奔走偕來東鷄西鰈之

區

尊親共戴升如日恒如月呈紉綬於慶霄暢者垓浻者  
埏合軒襲於麗宇駢帝夏皇春之紀集盛於斯溯  
龍編鳳籀以來生民未有用宜昭登協運易簡同  
規綿吉算於億千萬齡薦臻福應總上儀於七十  
二帝懋迪嘉祥臣幸際

昌辰欣逢

盛典

治世之民多壽喜長趨

禁近之班

聖人之德如

天愧莫贊鋪張之筆藉申葵向敬獻蕪詞泝釀化而闡懿

綱未工藻繪仰壽山而瞻福海曷罄揄揚謹拜手

而頌曰

皇建有極久道化成

聖神文武光大高明五

元十

壽後甲先庚

德邁振古百福允升

其一

惟

天行健惟

聖法

天消陽萬品絃覆八埏巍巍蕩蕩

持樞執圜聿懷

昊貺昭事日虔

其二



南郊

北郊蠲潔精禋既匡既勅必

躬必親圭玉藻采寅饌寅賓留俞合莫

至誠感神

其三

前寧穀詒昭哉維則於

皇紹基作求

世德

謨烈顯承觀揚丕赫鑒於

成憲祇事無數

其四

一日萬幾我

皇勤政執兩用中不綽不競作所無逸

書屏是鏡莊敬日強以承

天慶

其五

命時百僚大小法庶若金在範若駟在銜八聯八枋

詢謀惟僉欽哉有位萬民是瞻

其六

帝眷下民天燾父怙

宵旰疇咨三農九土曰暘而暘曰雨而雨迄用康年孔

修六府

其七

民庶且富

加惠無窮再蠲全漕四豁正供匪惟正供積逋與同百

千萬億南北西東

其八

匪惟積逋

渥恩稠疊若邊有屯若軍有帖若苗有算若陂有筭概

予實除俾安生業

其九

學曰辟雍厥惟周制五百餘年逮今肇備大昕  
帝臨秩禮濟濟聽

講園橋口愉心醉

其十

藹藹多士佔畢是勤

恩榜疊舉髦才悉掄泰占彙吉觀筮利賓載歌芡樸

聖壽作人

其十一

黃髮皤皤

昌時人瑞文綺載

加精鏐廣

賜亦有髦才抒文就試

畀爾頭銜用嘉爾志

其十二

惟

皇篤祐繁衍天潢璿源孕彩日幹騰芳振振繞膝

五世一堂上稽書契邁義軒黃

其十三

爛兮縵兮富有

天章典謨雅頌玉質金相

精理至教垂示無疆珍荷

賜書燭霄榮光

其十四

聖學淵如討源竟委糾先儒謬闡往聖旨獵碣車攻岐

陽昷峙籀篆摩鐫用光萬紀

其十五

聖人大寶

念用八徵乾坤麗象河洛效能五者來備庶績其凝于

時保之月益歲增

其十六

文治甄陶鴻鈞大治梧棲于岡革食于野

頌四庫書廣萬間厦吉士濯磨宏達大雅

其十七

二月

東巡省方問俗升馨

岱宗肅儀齋遯遂登

孔堂心源遙續為民迓釐為道重學

其十八

於赫

化光靡遠弗協西東被漸北南諧燮小邦味喁大邦震

警既畏既懷擴版恢牒

其十九

憬彼院藩南交新宅懷我好音敏闢搏頤稟朔於  
前繼以身役祝

釐

錫福世為屬國

其二十

朱波內面越裳偕來維廓爾喀珍香表懷亦有生  
苗越海踰臺會於

闕下王會充陪

其二十一

昔者王會羈縻是圖



今者王會不戒而爭矧逢

大慶雲集

嵩呼羣星庶星拱

宸北樞

其二十二

日躔壽星臚

歡九宇連襪歌衢春臺飭煦軒乎其舞襲乎其鼓願

萬萬歲為萬國

主

其二十三

惟

皇敬德久乎


上天埏泝該禮昭樂宣宜民宜入

道全福全

天錫

皇帝億萬斯年

其二十四



八旬萬壽盛典卷八十三